

ՕՐԵՆՍԴԻՐ

ՎՐԱՍՏԱՆԸ ԴԱՐՁԱՎ ՅԱՄԱՄԱՍՆԱԿԱՆ ԸՆՏՐԱԿԱՐԳԻ ՎՐԱ ՅԻՄՆՎԱԾ ԽՈՐՀՐԴԱՐԱՆԱԿԱՆ ՅԱՆՐԱՊԵՏՈՒԹՅՈՒՆ

Յուլիսի 29-ին Վրաստանի խորհրդարանը արտահերթ լիազույժար նիստում 117 կողմ ձայներով, երրորդ՝ վերջին ընթերցմամբ, հաստատեց ընտրական համակարգի փոփոխման նպատակով պատրաստված սահմանադրական փոփոխությունները: Փոփոխություններին դեմ է քվեարկել երեք պատգամավոր:



Քվերակությանը չեն մասնակցել «Ազգային շարժում» եւ «Եվրոպական Վրաստան» կուսակցությունները:

Յիշեցնենք, որ հունիսի 21-ին եւ 23-ին կայացած արտահերթ նիստում, Վրաստանի խորհրդարանը առաջին (136 կողմ, 5 դեմ) եւ երկրորդ (115 կողմ, 3 դեմ) ընթերցումներով, հաստատեց սահմանադրական փոփոխությունների օրինականագիծը: Առաջին ընթերցման քննարկումներին խորհրդարանական մեծամասնության հետ մասնակցեցին նաեւ «Եվրոպական Վրաստան» ընդդիմադիր խմբակցության պատգամավորները, թեպետ հետո նրանք իրաժարվեցին փոփո-

խությունների քննարկումների մասնակցությունից՝ միանալով ընդդիմադիր մյուս խմբակցություններին, որոնք իրենց մասնակցությունը պայմանավորում էին «Մթավարի արխի» հեռուստաընկերության բաժնետեր Գիորգի Ռուրուայի ազատ արձակման հետ, ով ձերբակալվել էր անցյալ տարվա հունիսի 20-ին ցույցին մասնակցելու եւ իրավապահներին դիմադրություն ցուցաբերելու մեղադրանքով:

(Շարունակությունը՝ 4-րդ էջում)

«ԸՆՏՐԱԿԱՆ ՕՐԵՆՍԳՐՔԻ» ՓՈՓՈԽՈՒԹՅՈՒՆՆԵՐԸ ՎԵՐՋՆԱԿԱՆԱՊԵՍ ԸՆԴՈՒՆՎԵՑԻՆ

Յուլիսի 2-ին Վրաստանի խորհրդարանը՝ 94 կողմ եւ 1 դեմ ձայներով, երրորդ ընթերցմամբ, հաստատեց ընտրական օրենսգրքում իրականացվելիք փոփոխությունների փաթեթը: Այն մի շարք փոփոխություններ է նախատեսում ընտրական քարտզարշավի եւ ընտրությունների անցկացման գործընթացներում:

Հաստատված փոփոխությունների համաձայն, քվեարկության օրը քարտզարկային գովազդների տեղակայումը արգելվում է ոչ միայն ընտրատեղամասում, այլև ընտրատեղամասի շեն-

քից 25 մետր հեռավորության վրա: Բացի այդ, արգելվում է ընտրությունների ընտրացուցակի եւ շենքից 25 մետր հեռավորության վրա ընտրողների տեղաշարժերի խոչընդոտումը: Սույն

արգելք չի առնչվում էկզիպոլի նպատակով իրականացվող գործունեությանը:

Ինչ վերաբերում է վարչական ռեսուրսի օգտագործման կանխմանը, ապա ըստ կատարելիք փոփոխությունների, ընդլայնվում է այն անձանց ցանկը, ում արգելվում է մասնակցություն ցուցաբերել նախընտրական քարտզարշավին: Ըստ փոփոխությունների (Շարունակությունը՝ 4-րդ էջում)

ՅԻՆԳ ՓՈԽԽՈՍՆԱԿ՝ ԻՆՆԻ ՓՈԽԱՐԵՆ

ԽՈՐՀՐԴԱՐԱՆԱԿԱՆ ՓՈՔՐԱՍՍՆՈՒԹՅՈՒՆԸ ԼՈՒԾԱՐՎՈՒՄ Է

Հաստատված փոփոխությունների համաձայն, Վրաստանի խորհրդարանի փոխնախագահների թիվը կրճատվում է՝ 9-ից դառնալով 5:

Ըստ օրինագծի, խորհրդարանի նախագահի առաջին տեղակալը կրկին կընտրվի խորհրդարանի նախագահի առաջադրմամբ: Ինչ վերաբերում է մնացած չորս փոխնախագահներին, ապա նրան-

ցից երկուսը կընտրվեն խորհրդարանական մեծամասնության առաջադրմամբ, եւ եւս երկուսը՝ ընդդիմության առաջադրմամբ:

Բացի այդ, փոփոխվում է նաեւ խորհրդարանական պաշտոնի

որակավորումը: Ըստ կանոնակարգի, խորհրդարանական մեծամասնության ղեկավարի պաշտոնն այլևս չի լինելու խորհրդարանական պաշտոն, ինչպես եւ խորհրդարանական փոքրամասնության առաջնորդը, քանի որ խորհրդարանական փոքրամասնությունը լուծարվում է: Խորհրդարանական պաշ-

տոնն այլևս իրենից չի ներկայացնի ժամանակավոր քննչական կամ ժամանակավոր այլ հանձնաժողովի նախագահություն: Ինչ վերաբերում է խորհրդարանական նոր պաշտոններին, ապա դրանք խմբակցության նախագահի տեղակալը եւ նրա առաջին տեղակալն են (դրա գոյության դեպքում):

ՍՈՑԻԱԼԱԿԱՆ

«ՎՐԱՅԱԿԱՆ ԵՐԱՁԱՆՔԸ» ԿԱՏԱՐՈՒՄ Ե ՆԱԽԸՆՏՐԱԿԱՆ ԽՈՍՏՈՒՄՆԵՐԸ

ՅՈՒԼԻՍԻ 1-ԻՅ ԱՎԵԼԱՅԱՎ 70-Ե ԱՆՅ ԿԵՆՍԱԹՈՆԱԿԱՌՈՒՆԵՐԻ ԹՈՆԱԿԸ, ՇՏԱՊ ՕԳՆՈՒԹՅԱՆ ԵՎ ԳՅՈՒՂԱԿԱՆ ԲԺՇԿԵԿՆԵՐԻ, ԻՆՉԵՊՍ ՆԱԵՎ ՈՍՏԻԿԱՆՆԵՐԻ ԱՇԽԱՏԱՎԱՐՋԸ

«Վրացական երազանքը» կատարում է իր նախընտրական խոստումները: Դեռևս ընթացիկ տարվա հունվարից, բոլոր կենսաթոշակառուների կենսաթոշակը ավելացվեց 20 լարիով, իսկ հուլիսի 1-ից 30 լարիով ավելացավ 70-ն անց կենսաթոշակառուների թոշակը եւ կազմեց 250 լարի:

Վրաստանի կառավարության որոշմամբ, ավելացած կենսաթոշակ կստանա մոտ 410 հա-

զար թոշակառու: Բացի այդ, բարձրալեռ շրջաններում բնակվող 70 տարին

լրացած թոշակառուների կենսաթոշակը կկազմի 300 լարի՝ (Շարունակությունը՝ 2-րդ էջում)

ԴԻՐՔՈՐՈՇՈՒՄ

ԳԻՐԳԻ ԳԱԽԱՐԻԱ. «ՃԱՄԱՔԱՅԻՆ ՍԱՀՄԱՆՆԵՐԻ ԲԱՅՄԱՆ ՇԱՐՃՈՒՄ ՇԱՊՇՏԱՊ ՈՐՈՇՈՒՄՆԵՐ ԳԵՆՔ ԿԱՅԱՅՆԻ»

Վրաստանի վարչապետ Գիորգի Գախարիայի հայտարարությամբ, ցամաքային սահմանների լայնածավալ բացում դեռ չի նախատեսվում:



- Ցամաքային սահմանների բացման կապակցությամբ մենք չենք կարող ու չենք կայացնի հապճեպ որոշումներ: Վրաստանի քաղաքացիների ցամաքային սահմանով շարժվելը, ինչպես նաեւ այն ամենը, ինչ կապված է բեռնափոխադրումների հետ, տեղի են ունենում բացարձակապես առանց որեւէ խափանումների: Վերահսկողությունը շատ արդյունավետ է, սակայն, մենք դեռ չենք նախատեսում լայնածավալ բացել ցամաքային սահմանները,- ասաց Գիորգի Գախարիան:

ԱՎԱՆԴՈՒՅԹ

ՎՐԱՍՏԱՆԻ ՅԱՅՈՒԹՅՈՒՆԸ ՆՇԵՑ ԹԱՐԳՄԱՆՉԱՑ ՏՈՆԸ

Յուլիսի 2-ին Յայ Առաքելական եկեղեցին նշեց թարգմանիչներ Սուրբ Մեսրոպ Մաշտոցի եւ Սուրբ Սահակ Պարթևի տոնը: Օրը նշանակվեց Թբիլիսիում, ինչպես նաեւ Վրաստանի հայաբնակ շրջաններում:



Վրահայոց թեմի առաջնորդ Տեր Կիրակոս վարդապետ Դավթյանի նախագահությամբ, Թբիլիսիի հայ գրողների եւ հասարակական գործիչների խոջի-

վանքի պանթեոնում կատարվեց Յայոց Մեծերի հոգու խաղաղության հոգեհանգստյան կարգ:

(Շարունակությունը՝ 6-րդ էջում)

ԶԱՎԱԽԵԹԻ

ԵՆԹԱԿԱՌՈՒՅՑԱՅԻՆ ՆԱԽԱԳԾԵՐԻ ՄՈՆԻԹՈՐԻՆԳ՝ ՆԻՆՈՃՄԻՆԴԱՅԻ ՄՈՒՆԻՑԻՊԱԼԻՏԵՏՈՒՄ

Յուլիսի 2-ին Սամցխե-Ջավախեթիի նահանգապետ Բեսո Ամիրանաշվիլին, Վրաստանի ենթակառուցվածքների փոխնախարար Իլիա Բեգիաշվիլին, Նինոծմինդայի մունիցիպալիտետ կատարած աշխատանքային այցի շրջանակներում, անցկացրին շրջանում իրականացվող ենթակառուցվածքային նախագծերի մոնիթորինգ:

Մունիցիպալիտետի քաղաքապետ Անի Մոստյանի, սակրեբուլոյի նախագահ Սմբատ Կյուրեղյանի ուղեկցությամբ, հյուրերը եղան շտապօգնության նոր կայանում եւ ա-



ֆալտապատված փողոցներում: Ինչպես նշեց փոխնախարարը, Տարածաշրջանային զարգացման հիմնադրամի հավաքագրած 329 միլիոն լարի գումարից, Նինոծմինդայի մունիցիպալիտետին հատկացվող գումարը կազմում է շուրջ 6 000 000 լարի:

- Ուզում եմ ասել, որ այս մունիցիպալիտետում ճիշտ կառավարում է իրականացվում ենթակառուցվածքային նախագծերի

տեսանկյունից,- մեզ հետ զրույցում ասաց Իլիա Բեգիաշվիլին:

Անդրադառնալով առանձին նախագծերի շուրջ տեղի բնակիչների դիտողությունների հարցին՝ փոխնախարարը նշեց, որ իրավիճակը փոխվել է, փոխվում են նաեւ պահանջները, չափորոշիչները, նախագծողները, բայց բացթողումները հնարավոր է շտկել:

(Խորագրի շարունակությունը՝ 4-րդ էջում)

ԳՆԱՀԱՏՈՒՄ

ԳԻՈՐԳԻ ԳԱԽԱՐԻԱ. «ԵՐԱՆՏԱԳԻՏՈՒԹՅՈՒՆ ԵՎՐԱՄԻՈՒԹՅԱՆԸ ՃԱՆԱԶՄԱՆ, ՎԱՏԱՂՈՒԹՅԱՆ ԵՎ ՌԱԶՄԱՎԱՐԱԿԱՆ ԳՈՐԾԸՆԿԵՐՈՒԹՅԱՆ ՀԱՄԱՐ»

ՎՐԱՍՏԱՆԸ՝ ԵՎՐԱՄԻՈՒԹՅԱՆ ԵՐԿՐՆԵՐԻ ՍԱՀՄԱՆՆԵՐԻ ԲԱՑՄԱՆ ՑՈՒՑԱԿՈՒՄ

Ինչպես տեղեկացրել է «Եվրոնյուսը», Եվրամիությունը Վրաստանը ներառել է այն երկրների ցուցակում, որոնց քաղաքացիները կկարողանան մուտք գործել Եվրամիության տարածք սահմանները բացվելուց հետո:

«Վրաստանը «կանաչ գոտու» երկրների ցանկում ընդգրկելը Եվրամիության հետ սերտ գործընկերության եւս մեկ ապացույցն է, կարելի է ձեռքբերում եւ այն հաջողության ճանաչում, որը Վրաստանը, մեր ժողովուրդն ու իշխանությունն ունեն համավարակի դեմ պայքարի ուղղությամբ»,- այս մասին ասվում է Վրաստանի վարչապետ Գիորգի Գախարիայի հայտարարության մեջ:


Վարչապետը Վրաստանի կառավարության եւ վրաց ժողովրդի անունից երախտագիտություն է հայտնում Եվրամիությանը ճանաչման, վստահության եւ ռազմավարական գործընկերության համար:

Յուրաքանչյուրն է, որ Եվրամիության ցուցակում Վրաստանի հարեւաններից ներառված է միայն թուրքիան: Սահմանները բացվելու են նաեւ Ուկրաինայի եւ Չինաստանի քաղաքացիների համար:

Ըստ «Եվրոնյուսի», ցուցակը առաջացրել է հակասություններ, քանի որ այնտեղ չի հայտնվել Ամերիկայի Միացյալ Նահանգները, որը ամենից



չատ է տուժել COVID-19-ից: Ցուցակում չեն հայտնվել նաեւ Ռուսաստանը, Բրազիլիան եւ Քաթարը:



ԱՄՆ

ՊԱՏՈՒԹՅԱՆ ՈՏԱՀԱՐՈՒՄ ԱՄԵՐԻԿԱՆ ՁԵՎՈՎ

Չարավային Կորոլինայում Չարլստոն քաղաքի ժողովարանի համաձայնությամբ, հանվել է ԱՄՆ յոթերորդ փոխնախագահ Ջոն Կոլիուրնի արձանը: Այս տեղեկատվությունը ներկայացրել է CNN հեռուստաընկերությունը:

Նշենք, որ Ջոն Կոլիուրնը ծնվել էր Չարավային Կորոլինայում եւ ԱՄՆ-ի երկու նախագահների օրոք զբաղեցրել է փոխնախագահի պաշտոնը: Կոլիուրնը ամերիկյան հարավային մահանգներում համարվում էր ստրկատիրական քաղաքականության գլխավոր գաղափարախոսը:

Միացյալ Նահանգների ազգային գվարդիայի 400 զինծառայողներ Վաշինգտոնում տեղակայվել են հուշարձանների պահպանության նպատակով: Երկրի ներքին անվտանգության դեպարտամենտի խնդրանքով եւ պաշտպանության նախարարի հրամանագրի հիման վրա, ազգային գվարդիայի զինծառայողները ձեռնամուխ եղան զբոսայգիներում ուստիկանության աշխատակիցների աջակցությամբ անվտանգության ապահովման համար: Դոնալդ Թրամփը հրամանագրի է ստորագրել, ըստ որի, ուժեղացվում է հուշարձանների հսկողությունը, եւ պատժամիջոցներ են սահմանվում հուշարձանների ոչնչացման համար:

ԵՎՐԱՄԻՈՒԹՅՈՒՆ

ԵՐԿԱՐԱԶԳՎՈՒՄ Ե ՌՈՒՄԱՍՏԱՆԻ ԴԵՄ ՊԱՏՃԱՄԻՋՈՑՆԵՐԻ ԺԱՄԿԵՏԸ

Եվրամիությունը Ռուսաստանի դեմ հաստատված տնտեսական պատժամիջոցները երկարաձգել է մինչեւ 2021 թվականի հունվարի 21-ը:

Եվրամիության լիդերները Ռուսաստանի հանդեպ տնտեսական պատժամիջոցների երկարաձգման որոշումն ընդունել են հունիսի 19-ին տեղի ունեցած գագաթաժողովին: Առաջնորդների հայտարարությամբ, Միսկի համաձայնագրով նախատեսված բոլոր պայմանները դեռ կատարված չեն:

ՌՈՒՄԱՍՏԱՆ

ՊՈՒՏԻՆԸ ՄԻՆՉԵՎ 2036 ԹՎԱԿԱՆԸ ԿՆԱ ՆԱԽԱԳԱՐՉ

Չուլիսի 1-ին Ռուսաստանում անցկացվեց սահմանադրական փոփոխությունների հանաքվե: ՌԴ Կենտրոնական ընտրական հանձնաժողովի տվյալներով, քվեաթերթիկների 100 տոկոսի դիտարկումից հետո, երկրի հիմնական օրենքում փոփոխություններ կատարելուն կողմ է քվեարկել քաղաքացիների 77,92 տոկոսը, դեմ՝ 21,27 տոկոսը: Մասնակցության հայտը կազմել է 67,97 տոկոս:

Սահմանադրական փոփոխությունների տասնյակ փոփոխությունների շարքում առաջարկվում է նաեւ զրոյացնել նախագահության նախորդ բոլոր ժամկետները, ինչը հնարավորություն կտա երկիրն արդեն 20 տարի ղեկավարող Վլադիմիր Պուտինին կրկին առաջադրվել եւ Կրեմլում մնալ մինչեւ 2036 թվականը:

ԱՄՆ

ՍԱՀԱՑԵԼ Ե ՍԵՐԳԵՅ ԽՐՈՒՇՉՈՎԸ

ԱՄՆ-ում, 85 տարեկան հասակում, մահացել է խորհրդային Միության կոմկուսի Կենտկոմի նախկին առաջին քարտուղար Նիկիտա Խրուշչովի որդին՝ պրոֆեսոր Սերգեյ Խրուշչովը: Նա 1991 թվականից ապրում էր Միացյալ Նահանգներում, սառը պատերազմի պատմության վերաբերյալ դասախոսություններ էր կարդում համալսարանում:

ԵԹԵ ՎՐԱՍՏԱՆԸ ԴԻՄԱՆԱ ՍԱՀՄԱՆՆԵՐԻ ԲԱՑՄԱՆԸ, ԴՎ ԿԼԻՆԻ ՊԱՏՄԱԿԱՆ ԻՐԱԴԱՐՁՈՒԹՅՈՒՆ

Թբիլիսիի ինֆեկցիոն հիվանդանոցի տնօրեն Թենգիզ Ցերցվաձեն, գնահատելով Վրաստանում իրավիճակը, հայտարարեց, որ կորոնավիրուսի դեպքերի թվով Վրաստանը շատ երջանիկ է եւ աշխարհում հազվագյուտ բացառություն:

Ըստ նրա, եթե հաջողվի պահպանել այս վիճակը, Վրաստանը աշխարհի համար կդառնա մատնանշվող երկիր: - Ուր էլ նայեք, կորոնավիրուսով վարակման դեպքերը աճում են: Որոշ երկրներում, հիմնականում՝ Եվրոպայում, անկում է նկատվում, սակայն ոչ այնպես, ինչպես Վրաստանում: Մեր հարեւանության մեջ դեպքերը չեն պակասում, այլ հակառակը:

Ինչ կուլիսի մասին է խոսքը, երբ երկրում գրանցվում է օրական մեկ կամ երկու դեպք: Եթե մեզ հաջողվի պահպանել այս վիճակը, ապա Վրաստանը կլինի օազիս, մատնանշվող երկիր ողջ աշխարհի համար: Բոլորը զարմանում են, որ Վրաստանում դեպքերի թիվը պակասում է այն դեպքում, երբ մեր հարեւան երկրներում աճում է,- ասաց Թենգիզ Ցերցվաձեն:

ՍՈՑԻԱԼԱԿԱՆ

«ՎՐԱՅԱԿԱՆ ԵՐԱՉԱՆՔԸ» ԿԱՏԱՐՈՒՄ Ե ՆԱԽԸՆՏՐԱԿԱՆ ԽՈՍՏՈՒՄՆԵՐԸ

(Սկիզբը՝ 1-ին էջում)

հաշվի առնելով, որ «Բարձրալեռ շրջանների զարգացման մասին» օրենքի համաձայն, լեռնային գոտում բնակվող թոշակառուներին տրվում է ամենամսյա լրացուցիչ գումար՝ պետական թոշակի 20 տոկոսի չափով:

2021 թվականի հունվարի 1-ից կներդրվի կենսաթոշակների ինդեքսավորման կարգ, որի համաձայն, յուրաքանչյուր թոշակառուի կենսաթոշակը կավելանա գնաճի ցուցանիշից ոչ պակաս, այսինքն՝ գների աճը ազդեցություն չի ունենա

իրական կենսաթոշակի ծավալի վրա, 70 տարին լրացած թոշակառուների գնաճին կավելանա տնտեսական աճի 80 տոկոսը, այսինքն՝ թոշակի ամենամսյա աճը կլինի գնաճից բարձր, չնայած գնաճի եւ տնտեսական աճի չափանիշներին, կենսաթոշակը կավելանա ոչ պակաս, քան 20 լարիով, իսկ 70 տարին լրացած անձանցը՝ ոչ պակաս, քան 25 լարիով:

Չուլիսի 1-ից 100 լարիով ավելացավ նաեւ շտապօգնության անձնակազմի եւ գյուղական բժիշկների աշխատավարձը: Բացի այդ, հուլիսի 1-ից 30 լարիով ավելացան առաջին խմբի հաշմանդանություն ունեցող անձանց եւ երեխաների սոցիալական փաթեթները:

Կառավարության կողմից իրականացվող սոցիալական ծրագրերը ներառում են նաեւ ներքին գործերի նախարարության աշխատակիցներին:

Չուլիսի 1-ից 125 լարիով ավելացվեց նաեւ ուստիկանների աշխատավարձը: Ընդ որում, գերատեսչության տեղեկատվությամբ, միջոցներ են ձեռնարկվում նախարարության աշխատակիցների կենցաղային եւ սոցիալական պայմանների բարելավման ուղղությամբ:

ՈՒՄՈՒՑԻՉՆԵՐԻ ԱՇԽԱՏԱՎԱՐՁԻ ԲԱՐՁՐԱՑՈՒՄՆ ԱՆԸՆԴՄԵՋ ԳՈՐԾԸՆԹԱՑ Ե ԿԱՌԱՎԱՐՈՒԹՅՈՒՆԸ ԿՇԱՐՈՒՆԱԿԻ ԹՈՇԱԿԱՌՈՒ ՄԱՆԿԱՎԱՐԺՆԵՐԻ ԾՐԱԳԻՐԸ

Վրաստանի կառավարությունը, հավատարիմ հայտարարած առաջնահերթությունների, կշարունակի ուսուցիչների աշխատավարձի անընդմեջ ավելացման կուրսը:

Իր ամենամսյա զեկույցում Վրաստանի վարչապետ Գիորգի Գախարիան, անդրադառնալով կրթական ոլորտի աշխատակիցների խրախուսման թեմային, հայտարարեց, որ ուսուցիչների աշխատավարձի բարձրացումն ու թոշակառու մանկավարժների դրամական պարգևների ծրագիրը շարունակական են լինելու:

Ինչ վերաբերում է թոշակառու մանկավարժների միանգամայն դրամական պարգևներին, նրա հավաստմամբ, այս ծրագիրը եւս անպայման պետք է շարունակվի:

- Չազարավոր թոշակառու «պրակտիկոս» ուսուցիչներ, դրամական պարգևներ ստանալով, արժանապատիվ ձեռով դուրս եկան համակարգից: Այս ծրագիրը անպայման պետք է շարունակվի, որպեսզի մեր թոշակառու մանկավարժներին հնարավորություն տանք ամիջապես անցնել թոշակի, եւ համակարգը համալրվի մոր, երիտասարդ կարիերով, ովքեր շատ արագ պետք է բարձրացնեն իրենց կարգավիճակը,- նշեց Գիորգի Գախարիան:

300 ԼԱՐԻ Ի ՕԳՆՈՒԹՅՈՒՆ՝ ՍԵՋՈՆԱՅԻՆ ԱՇԽԱՏԱՆՔՆԵՐԻ ՄԵԿՆՈՂ ՔԱՂԱՔԱՑԻՆԵՐԻՆ

Ինչպես արդեն հաղորդել ենք, Վրաստանի կառավարությունը 388-րդ բանաձեռի համաձայն, կոնկետ քայլեր է ձեռնարկում նոր կորոնավիրուսով (SARS-COV-2) պայմանավորված վարակի (COVID-19) արդյունքում պատճառված վնասը փոխհատուցելու ուղղությամբ, մասնավորապես, վնասի չափերը թեթևացնելու նպատակով, փոփոխություններ են մտցվել պետական ծրագրերում:

Փոփոխությունների համաձայն, Վրաստանի այն քաղաքացիները, ովքեր ինքնազբաղված են եղել Վրաստանի սահմաններից դուրս, ինչը հաստատվում է 2019 թվականին 60 անգամ կամ/2019 թվականի մարտ ամսից մինչեւ հոկտեմբեր ընկած ժամանակահատվածում 30-120 օրացուցային օրերի ընթացքում սահմանի հատմամբ, հնարավորություն կունենան Վրաստանի ներքին գործերի նախարարությունից տրված համապատասխան փաստաթղթի գոյության դեպքում գրանցվել փոխհատուցում ստացող անձանց բազայում, Վրաստանի առողջապահության նախարարության գրանցման (<https://compensation.moh.gov.ge/>) պորտալում ոչ ուշ, քան 2020 թվականի հուլիսի 15-ը:

Չուլիսի 1-ից, որ այսօրվա դրությամբ պետությունից օգնություն է ստացել մոտ 105 հազար ինքնազբաղված անձ: Չուլիսի 26-ից ընդլայնվել է փոխհատուցում ստացող շահառուների շրջանակը, եւ այն քաղաքացիները, ովքեր սե-

զոնային աշխատանքների նպատակով մեկնում էին տարբեր երկրներ, կստանան 300 լարիի օգնություն:

Չուլիսի մեկի դրությամբ, առողջապահության նախարարության կայքէջով գրանցվել է փոխհատուցում ստացող 165 626 ինքնազբաղված: Նրանցից 104 547 անձ ստացել է 300 լարի փոխհատուցում: Փոխանցվել է 31 364 100 լարի:

Ինչ վերաբերում է աշխատողներին, ովքեր տուժել են համավարակի հետեւանքով, 200 լարի քանակությամբ փոխհատուցում է ստացել 125 165 անձ: Գումարը կազմում է 25 033 000 լարի: Այն փոխանցվում են աստիճանաբար:

Խորագիրը պատրաստեց ՍԻՄՈՆ ԿԻԼԱԶԵՆ

Շարաքից շարաք. Փաստեր եւ իրադարձություններ

ՀԱՂՈՐԳՈՒՄ ԵՆ «ՎՐԱՍԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՆԱԽԱԶԵՆՈՒԹՅՈՒՆ

ԿՐԵՏԱԶԳՎԻ ՄԱՍՆԱԳԻՏԱԿԱՆ ԿՐԹՈՒԹՅՈՒՆ ՍՏԱՑՈՂՆԵՐԻ ՊԱՐՏԱԴԻՐ ԶԻՆԾԱՌԱՅՈՒԹՅՈՒՆԸ

Վրաստանի կրթության, գիտության, մշակույթի եւ սպորտի նախարարության նախաձեռնությամբ, մասնագիտական կրթություն ստանալ ցանկացողների պարտադիր զինվորական ծառայությունը կհետաձգվի մինչեւ ծրագրի ավարտը:

Նախարարության փոխանցմամբ, արդյունքում երիտասարդները կկարողանան առանց տարկետման ավարտել ուսումը:

Ինչպես հայտարարում են գերատեսչությունում, հենց այդ նպատակով, նախարարությունը «Ռազմական պարտականության եւ զինվորական ծառայության մասին» Վրաստանի օրենքում պատրաստել է փոփոխության նախագիծ, որի համաձայն, մասնագիտական կրթությամբ հետաքրքրված երիտա-

սարդներին հնարավորություն կտրվի ուսումն ավարտել ցանկալի ծրագրով, ձեւավորվել որպես կոնկրետ գործի մասնագետներ, ստանալ համապատասխան որակավորում եւ դրանից հետո անցնել պարտադիր զինվորական ծառայության:

Բացի այդ, նախարարությունում մեկնաբանում են, որ առաջարկված փոփոխությունների հիման վրա ծառայությունը կհետաձգվի միայն մեկ անգամ՝ միայն ծրագրի տեւողության ժամկետով:

USAID-ի ՅՈՒԹ ՄԻԼԻՈՆ ԱՐԺՈՂՈՒԹՅԱՄԲ ԿՐԹԱԿԱՆ ԾՐԱԳԻՐԸ ՎՐԱՍԱՆՈՒՄ

Միացյալ Նահանգների միջազգային զարգացման գործակալությունը (USAID) Վրաստանում սկսում է բազային կրթության լայնածավալ ծրագիր, որի համար ամերիկյան կողմը հատկացրել է 7 միլիոն ԱՄՆ դոլար:

Վրաստանի կրթության նախարարության տարածած տեղեկատվության համաձայն, նոր ծրագիրն առաջնային է համարում ինտերակտիվ ուսուցումը: Դրա նպատակն է զարգացնել գրագիտությունը, ինչպես նաեւ քննադատական եւ նախնադասական մտածողության հմտությունները, օգնել դպրոցականներին հաջողությամբ լուծել իրենց առջեւ ծառայած մարտահրավերներն ու խնդիրները, որոնց նրանք կբախվեն իրենց կյանքի ընթացքում:


Ավելին, ծրագիրը կենտրոնացած է Վրաստանի բացարձակապես բոլոր ուսումնական հաստատությունների վրա, ներառյալ՝ տարրական մակարդակը: Կարելի է նաեւ, որ USAID նախագիծը կնպաստի շարունակական կրթության ոլորտի բարեփոխումներին եւ նոր դպրոցի մոդելի ներդրմանը:

Նշենք, որ ամերիկյան կողմի նախաձեռնությունը քննարկվեց Վրաստանի կրթության նախարար Միխեիլ Զխենկելու, Վրաստանում ԱՄՆ դեսպան Քելլի Դեզանի եւ Վրաստանում USAID առաքելության տնօրեն Փիթեր Վիլերի հուլիսի 1-ին կայացած հանդիպմանը:

Ինչպես նշվեց հանդիպմանը, Վրաստանում անցկացվում է լայնածավալ եւ համապարփակ կրթության բարեփոխում: Փորձագետները պատրաստել են բարեփոխումների տաս փաթեթ, որոնք ընդգրկում են բոլոր ուղղությունները: Նախատեսվում է զարգացնել ենթակառուցվածքը, ներդնել նորամուծություններ եւ տեխնոլոգիաներ, բուհերի ֆինանսավորման նոր մոդել:



Բարեփոխումները կտեսնեն չորս տարի, որոնց նպատակն է Վրաստանը վերածել կրթական կենտրոնի եւ տարածաշրջանում այն դարձնել առաջատար: Ինչպես նշում են USAID վրացական գրասենյակում, ԱՄՆ կառավարությունը աջակցում է բարեփոխումներին, որոնք վրացի երիտասարդներին տրամադրում է գործիքներ՝ խթանելու ժողովրդավարական, սոցիալական եւ տնտեսական զարգացմանը:



ՎՐԱՍԱՆԻ ԲՈՒՄՔՅՈՒՆԵՐԸ ԳԵՐՄԱՆԻԱՅՈՒՄ ԿՐԱՆՏԻՆ ԶԵՆ ԱՆՑԻ Ինչպես հայտարարեց Վրաստանի էկոնոմիկայի եւ կայուն զարգացման նախարար Նաթիա Թուրմալան, Գերմանիայում բուժման, ուսուցման եւ աշխատանքի համար մեկնող Վրաստանի քաղաքացիները պարտադիր կարանտին չեն անցնի:

ՆԵՐԿՐԿԵԼՈՒ Է 2 562 ՄԻԼԻԱՐԴ ԽՈՐԱՆԱՐԴ ՄԵՏՐ ԳԱԶ Փոփոխություն է կատարվել 2020 թվականի հաստատված գազի հաշվեկշռում: Վրաստանում գազի մատակարարման կանխատեսվող ծավալը 2,562 միլիարդ խորանարդ մետր է:

Վրաստանը 2,338 միլիարդ խորանարդ մետր գազ, այսինքն՝ ընդհանուր ծավալի 91,2 տոկոսը, կստանա Ադրբեջանից: Ռուսաստանից ակնկալվում է ստանալ 200 միլիոն խորանարդ մետր գազ (7,8 տոկոս), իսկ տեղական արդյունահանման ծավալը 11,223 միլիոն խորանարդ մետր է (0,4 տոկոս):

ԲՆԱԿԱՆ ԳԱԶԻ ՍԱԿԱԳԻՆԸ ԶԻ ԲԱՐՁՐԱՆԱ Արաստանի էներգետիկայի եւ ջրամատակարարման կարգավորման ազգային հանձնաժողովը կսահմանի «Սոկար Զորջիա Գազ» բաժնետերերի բնական գազի սակագինը: Գործող սակագնի ժամկետը լրացավ հունիսին:

Ազգային հանձնաժողովի նախագահ Դավիթ Նարմանիայի հայտարարությամբ, ինչպես Թբիլիսիում, այնպես էլ՝ շրջաններում սահմանված սակագինը անփոփոխ կմնա եւ 3 տարվա ընթացքում չի փոխվի:

ՏՆՏԵՍԱԿԱՆ ԱՆԿՈՒՄԸ ԿԱԶՄԵԼ Է 13,5 ՏՈՒՈՍ Ազգային վիճակագրության ծառայության տվյալներով, 2020 թվականի մայիսին, նախորդ տարվա նույն ժամանակահատվածի համեմատ, իրական ՀՆԱ-ի անկումը կազմել է 13,5, իսկ 2020 թվականի առաջին հինգ ամիսների միջին ցուցանիշը՝ 5,4 տոկոս:

Վիճակագրության դեպարտամենտի տվյալներով, 2020 թվականի մայիսին, նախորդ տարվա նույն ժամանակահատվածի համեմատ, անկում է նկատվել գրեթե բոլոր ոլորտներում:

Advertisement for 'ՅՁՄՈՆԱՅՉՁՅՈՆ ԵՎԱՄՈՒՏՆԵՐԻ ԾԱՌԱՅՈՒԹՅՈՒՆ' (Economic Development Agency) featuring a logo and text about agricultural support and subsidies.

ԳՅՈՒՂԱՏՆՏԵՍՈՒԹՅՈՒՆ

ՍԿՍՎԵԼ Է ՀՈՂԵՐԻ ՀԱՄԱԿԱՐԳԱՅԻՆ ԳՐԱՆՑՄԱՆ ՆՈՐ ՓՈՒԼԸ

ՀՈՂԱՄԱՍԵՐԻ ԱԵՐՈՆԿԱՐԱՆՆՈՒՄԸ ԿՐԱՌՆԱ ԱՆՎՃԱՐ

- Մեկնարկում է հողերի համակարգային գրանցման նոր փուլը: Այն առնչվելու է հինգ մունիցիպալիտետների՝ Թեթրիժարոյի, Գարդաբանի, Քարելի, Գորիի եւ Սազարեջոյի վարչական 28 միավորներին: Դա նշանակալի հարց է, քանի որ կկարգավորվի 11 հազար հեկտար հողատարածքի հարցը: Դրա համար ֆինանսավորումն արդեն իրականացվում է, հայտարարեց Գիորգի Գախարիան եւ հավելեց, որ հողերի գրանցման համար քաղաքացիները տուրք չեն վճարելու:

Հուլիսի 1-ից, Վրաստանի կառավարության կողմից մշակված հակաճգնաժամային ծրագրի շրջանակներում, հողերի գրանցման համար անհրաժեշտ անբուժարահանումն անվճար է:

Նշենք, որ 2020 թվականի հունվարից հողատարածքների գրանցման մասին օրենքում գործում է նոր կանոնակարգ, որի համաձայն, հնարավոր է դարձել հողամասերը գրանցել, եթե նույնիսկ դրանց փաստաթղթերը չկան: Սակայն քաղաքապետարանը նախ պետք է նույնակազմի հողատարածքը:

Համաձայն վերջին փոփոխությունների, հնարավոր է դարձել գրանցել հողամասը: Եթե անձը չունի ոչ մի փաստաթուղթ, բայց նա այն ստացել է օգտագործում է հողային բարեփոխումների ընթացքում: Եթե անձը ցանկանում է գրանցել հողամասը, բայց չունի փաստաթղթեր,

ապա նա պետք է իրականացնի հողի օդային լուսանկարում եւ դիմի պետական ռեեստր: Դրանից հետո, ռեեստրը կսկսի փաստաթղթեր հավաքել արխիվներից:

Հիշեցնենք, որ Վրաստանը հողերի գրանցման պարզեցված ընթացակարգը գործարկել է 2016 թվականի օգոստոսի 1-ից: Այս գործընթացը մի քանի անգամ երկարացվել է, քանի որ շատ չգրանցված հողատարածքներ կան: «Հողատարածքի գրանցման մասին» օրենքում մի քանի անգամ փոփոխություններ են կատարվել եւ մի քանի անգամ ակցիա հայտարարվել:

Հարկ է նշել, որ գյուղատնտեսության ոլորտի սուբսիդավորման համար, Վրաստանի կառավարության հակաճգնաժամային ծրագրի շրջանակներում, պետական նպաստներից կարող են օգտվել 0,25-10 հեկտար հողատարածք ունեցող ֆերմերները:



Նրանք, ովքեր դեռ չեն գրանցել իրենց հողամասերը, կարող են նաեւ օգտվել պետական սուբսիդավորումից, բայց նրանք կարող են ծրագրին մասնակցելու հայտներ կայացնել հողը գրանցելուց մեկ ամիս հետո:

Գյուղի զարգացման ծրագիրը միտված է ֆերմերային տնտեսությունների զարգացմանը, որոնք տիրապետում են գրանցված հողամասերի: Հենց հողատարածքի գրանցումն է դառնալու օգնություն ցուցաբերելու հիմնական գործոնը:

ՄԻՄՈՆ ԿԻԼԱԶԵ

ՕՐԵՆԱԴԻՐ

ՎՐԱՍՏԱՆԸ ԴԱՐՁԱՎ ՅԱՄԱՍԱՆԱԿԱՆ ԸՆՏՐԱԿԱՐԳԻ ՎՐԱ ԶԻՄՆՎԱԾ ԽՈՐՀՐԴԱՐԱՆԱԿԱՆ ԶԱՆՐԱՊԵՏՈՒԹՅՈՒՆ

(Սկիզբը՝ 1-ին էջում)

ԻՆՉ ԵՆ ՆԱԽԱՏԵՍՈՒՄ ՍԱՅԱՆԱԴՐԱԿԱՆ ՓՈՓՈԽՈՒԹՅՈՒՆՆԵՐԸ

Սահմանադրական փոփոխությունների նախագիծը նախատեսում է 2020 թվականի խորհրդարանական ընտրությունների անցկացումը խառը համակարգով. խորհրդարանում կընտրվի 120 անդամ՝ համամասնական եւ 30 անդամ՝ մեծամասնական ընտրահամակարգով:

Փոփոխությունները նախատեսում են նաեւ, որ համամասնական ընտրությունները կանցկացվեն մեկ տոկոսանոց ընտրաշենով, ընտրական դաշինքների շենը կսահմանվի մեկ տոկոսով եւ դաշինքում մտնող կուսակցությունների արտադրյալով:

Սրա առկայության դեպքում, նախագծով չբաշխված մանդատները հավասարապես բաժանվելու են մեծից շատ տեղ ունեցող կուսակցության եւ ընտրադաշինքի վրա: Օրինագծով սահմանվում է նաեւ, որ մինչեւ 2024 թվականը արտահերթ ընտրությունների անցկացման դեպքում, կգործի ներկայացված սահմանադրական օրինագծով սահմանված ժամանակավոր ընտրական համակարգը:

Այսպիսով, խորհրդարանի կողմից սահմանադրական փոփոխությունների հաստատման արդյունքում, Վրաստանում այս տարվա աշնանը կայանալիք խորհրդարանական ընտրություններից հետո, խորհրդարանը կծեւավորվի նոր սկզբունքներով:

Քաղաքական կուսակցությունները խորհրդարանում մանդատ ստանալու համար պետք է հաղթահարեն 1 տոկոսանոց ընտրաշենը, եթե կուսակցությունները կազմում են ընտրադաշինք, ապա խորհրդարան մուտք գործելու համար պետք է հաղթահարեն իրենց թվի տոկոսային ընտրաշենը: Օրինակ, եթե 3 կուսակցություն կազմում է դաշինք, ապա վերջինս պետք է հավաքի ավելի քան

3 տոկոս ձայն, որպեսզի մանդատ ստանա: Օրինագիծը ենթադրում է 40 տոկոսանոց արգելքի մեխանիզմ, ինչը նշանակում է, որ որեւէ կուսակցություն 2020 թվականի ընտրություններին համամասնական կարգով 40,54 տոկոսից պակաս աջակցություն ստանալու դեպքում, միակուսակցական կառավարություն ձեւավորելու հնարավորություն չի ունենա. կծագի կողմից կառավարության ձեւավորման անհրաժեշտություն, այսինքն՝ ձայների 40 տոկոսը ստանալու դեպքում, կուսակցությունը չի ստանա մանդատների 50 տոկոսից ավելին, այն է՝ 75 մանդատից ավելի: Յետեւաբար, կուսակցությունն ինքնուրույն չի կարողանա կառավարություն ձեւավորել, եւ անհրաժեշտ կլինի կողմից կառավարություն ունենալ: Կառավարություն ձեւավորելու համար անհրաժեշտ է նվազագույնը 76 մանդատ: Սահմանադրական փոփոխություններով փոխվեցին նաեւ ընտրատարածքների սահմանները: Օրինանախագծով դյուրինացվում է կուսակցությունների գրանցման կարգը: Ընտրություններին կկարողանան մասնակցել այն կուսակցությունը, որը Կենտրոնական ընտրական հանձնաժողովին կներկայացնի 5 հազար ստորագրություն:

Եվս մի հանգամանք. եթե մինչեւ 2024 թվականը Վրաստանում անցկացվեն արտահերթ խորհրդարանական ընտրություններ, ապա կանցկացվեն 2020 թվականին ընդունված 120/30 մոդելով, եւ խորհրդարանը օրինական կհամարվի մինչեւ 2024 թվականը: Օրինակ, եթե 2022 թվականին Վրաստանում արտահերթ խորհրդարանական ընտրություններ անցկացվեն, ապա նորընտիր խորհրդարանը 2 տարվա կյանք կունենա:

Նշանակալի է նաեւ այն, որ օրինանախագծով սահմանվում է, թե 2024 թվականի խորհրդարանական ընտրություններին ամբողջությամբ կանցկացվեն համամասնական ընտրակարգով:

ՋԱՎԱԽԵԹԻ

ԱՆԱԼՔԱԼԱՔԻ ՄՈՒՆԻՑԻՊԱԼԻՏԵՏԻ ԲՅՈՒՋԵԻ ՓՈՓՈԽՈՒԹՅՈՒՆՆԵՐԸ

Յունիսի 30-ին Ախալքալաքի մունիցիպալիտետի սակրեբուլոյի պատգամավորները հաստատեցին 2020 թվականի բյուջեի հերթական փոփոխությունները:

Փոփոխությունների համաձայն, մունիցիպալիտետի ծախսերը կրճատվել են 300 հազար լարիով, իսկ ճանապարհների փոստերի նորոգման աշխատանքներից տնտեսված 119 570 լարին օգտագործվել է այլ ենթակառուցային աշխատանքների վրա:

Կորոնավիրուսի համավարակով պայմանավորված՝ երեք ամսվա ընթացքում որպես եկամուտ, մունիցիպալիտետի բյուջե չի մտել՝ արժեքի ավելացված հարկի (ԱԱՀ) 119 000 լարին, բանկային տոկոսագումարից՝ 23 000 լարի, խաղային թիզներից՝ 150 000 լարի եւ Ախալքալաքի սպասարկման կենտրոնից՝ 8 000 լարի: Մունիցիպալիտետի ծախսերից սակրեբուլոն հանել է համապատասխան գումարը՝ 300 000 լարին:

Ճանապարհների վերանորոգման աշխատանքներից տնտեսված 119 570 լարին ծրագրվել է ծախսել Ախալքալաքի Ազատության փողոցի շուրջ 60 մետր ճանապարհահատվածի վերանորոգման (42 920 լարի), Խանդո գյուղի մանկապարտեզի սանհանգույցի կարգավորման (36 301 լարի), Կիրովական եւ Մուրջախեթ գյուղերում մինի մարզադաշտի կառուցման (համապատասխանաբար՝ 11 882 լարի եւ 25

353 լարի), Մոդեզան գյուղի ջրատարի վերականգնման (3114 լարի) համար: Բացի այդ, մունիցիպալիտետի ղեկավարությունը, ելնելով կենտրոնական իշխանության կորոնավիրուսով պայմանավորված իրավիճակի կապակցությամբ դրամական պարզեւներ չվճարելու մասին կարգադրությունից, մունիցիպալիտետի բյուջեից հանեց 166 600 լարի պարզեւադրամը (քաղաքապետարանի բյուջեից՝ 120 000 լարի, սակրեբուլոյի բյուջեից՝ 40 հազար լարի, մունիցիպալիտետի զինծառայության բաժնի բյուջեից՝ 6 600 լարի): Մունիցիպալիտետը չեղարկված հայտարարեց «Տավանկա» մանկապատանեկան ճամբարը՝ խնայելով 40 000 լարի, մարզական լողակազմի ծախսերի խնայվել է 25 000, մարզադպրոցից՝ 13 000, իսկ մանկապարտեզներից՝ 55 400 լարի:

Սակրեբուլոյի պատգամավորները համաձայնեցին գյուղերում քաղաքապետի ներկայացուցիչների եւ մասնագետների 7 ամսվա աշխատավարձը (377 720 լարի), բյուջեի աշխատավարձի հոդվածից տեղափոխել ոչ հաստիքայինի (այսմանագրային) հոդված:

ԵԳԵՆՅԱՎ ԿՎՐՄՊԵՏՅԱՆ Ախալքալաքի-Նինոծմինդա

«ԸՆՏՐԱԿԱՆ ՕՐԵՆԱԳՐԷԻ» ՓՈՓՈԽՈՒԹՅՈՒՆՆԵՐԸ ՎԵՐՋՆԱԿԱՆԱՊԵՍ ԸՆԴՈՒՆՎԵՑԻՆ

(Սկիզբը՝ 1-ին էջում)

Վիթեթի, նախընտրական քարոզարշավին մասնակցելու իրավունքից զրկվում են հանրային դպրոցների ուսուցիչները, ծառայական գործառույթներ իրականացնողներին, ինչպես նաեւ հանրային իրավունքի իրավաբանական անձանց ու պետական կամ տեղական ինքնակառավարման կողմից հիմնված ոչ կոմերցիոն իրավաբանական անձանց աշխատակիցներին: Միաժամանակ, ընտրական օրենսգրքում արվել է գրառում, ըստ որի, ընտրություններից երկու ամիս շուտ նախարարություններին եւ պետական գերատեսչություններին արգելվում է իրականացված նախագծերի մասին գովազդային տեսահոլովակների ցուցադրումը:

Փոփոխությունների վիթեթի համաձայն, ընտրությունների երկրորդ փուլը, որը նշանակվում է Կենտրոնական ընտրական հանձնաժողովի կողմից, կանցկացվի ընտրությունների օրվանից երեք շաբաթ անց: Եթե երկրորդ փուլի մասնակից ընտրական սուբյեկտներից մեկը կորցնի պասսիվ ընտրական իրավունքը, ապա այդ դեպքում երկրորդ փուլը չի անցկացվի եւ ԿԸՀ-ն հաղթող է ճանաչում ընտրական երկրորդ սուբյեկտին:

Օրինանախագիծը նախատեսում է նաեւ լրատվական քարոզարշավի եւ քաղաքական սուբյեկտների տրված եթերային ժամանակի կարգավորումը: Օրինանախագծի համաձայն, քարոզարշավի համար հեռուստա եւ ռադիոքարոզչության մեկօրյա վճարովի ժամանակը չպետք է գերազանցի դրանց օրական հաղորդման ծավալի 15 տոկոսը, եւ ընտրական ոչ մի սուբյեկտի չպետք է տրվի այդ ժամանակահատվածի մեկ երրորդից ավելի ժամանակ: Ինչ վերաբերում է վճարովի եթերաժամանակի սակագնին, ապա այն ընտրական բոլոր սուբյեկտների համար լինելու է նույնը: Բացի այդ, ընտրություններին մասնակից քաղաքական սուբյեկտները իրավունք չունեն լրատվամիջոցներում միմյանց նկատմամբ տեղադրել գովազդային հայտարարություններ: Բացի այդ, ընտրատեղամասերում, երեքի փոխարեն, լրատվամիջոցները կկարողանան ունենալ երկու ներկայացուցիչ:

Օրինանախագծով նախատեսված են նաեւ մի շարք պատժամիջոցներ: Մասնավորապես, հասարակական կարծիքի հարցման արդյունքների հրապարակման կարգի խախտման համար հեռուստա եւ ռադիոընկերությունները կտուգանվեն 5 հազար, իսկ մյուս լրատվամիջոցները՝ 1500 լարիով:

Իրականացված փոփոխությունների համաձայն, հստակեցվում են ընտրատեղամասերում ընտրահանձնաժողովների անդամների գործառույթները: Մասնավորապես, ընտրատեղամասի հանձնաժողովում ոչ կուսակցական անդամի ընտրությունն իրականացվելու է համապատասխան մարզային ընտրական հանձնաժողովի ոչ կուսակցական անդամների մեծամասնության աջակցությամբ: Անթույլատրելի է դառնում նաեւ տեղամասային ընտրական հանձնաժողովի ոչ կուսակցական այն անդամի ընտրությունը, ով նախորդ ընտրություններում տարբեր մակարդակի ընտրահանձնաժողովներում անդամ է նշանակվել քաղաքական կուսակցության կողմից:

Որոշակի փոփոխություն է նախատեսվում գեներային քվոտաների հարցով: Մասնավորապես, մինչեւ 2028 թվականը անցկացվելիք խորհրդարանական ընտրությունների ժամանակ կուսակցությունները ԿԸՀ նախագահին պետք է ներկայացնեն այնպիսի կուսակցական ցուցակներ, որոնց առաջին քառյակում գտնվեն մեկը լինելու է այլ սեռի ներկայացուցիչ, իսկ 2028-2032 թվականներին անցկացվող ընտրություններում, կուսակցությունները պարտավոր են ԿԸՀ-ին ներկայացնել կուսակցական ցուցակ, որտեղ յուրաքանչյուր երրորդը կլինի այլ սեռի ներկայացուցիչ:

Յաստատված փոփոխությունների համա-

ձայն, հստակեցվում են նաեւ կուսակցությունների ֆինանսավորման գործընթացը: Այսպես, կուսակցությունը, որը մինչեւ 2028 թվականն անցկացված խորհրդարանական ընտրությունների հաշվով ստանալու է ֆինանսավորում, կստանա 30 տոկոսի լրացուցիչ ֆինանսավորում, եթե նրա կողմից խորհրդարանի վերջին ընտրություններում ներկայացված կուսակցա-



կան ցուցակում յուրաքանչյուր եռյակում գտնվեն մեկը լինի այլ սեռի ներկայացուցիչ: Յավելյալ գումարը ծախսվելու է կուսակցության կանց կազմակերպության գործունեության վրա: Ինչ վերաբերում է ընտրադաշինքների ֆինանսավորմանը, ապա դաշինքում միավորված կուսակցությունների պետական ֆինանսավորման բաշխման կարգը սահմանվելու է դաշինքի կամոնադրության հիման վրա:

Ըստ փոփոխությունների, համամասնական ընտրակարգով ընտրություններին մասնակցելու համար, քաղաքական կուսակցությունները պետք է Կենտրոնական ընտրական հանձնաժողովին ներկայացնեն իրենց կողմնակիցների 5 հազար ստորագրությունները: Նշենք, որ 5 հազար ստորագրությունների ընտրաշենն իջեցվում է միայն 2020 թվականի խորհրդարանական ընտրությունների համար: Ստորագրահավաքի շենը 25-ից 5 հազարի իջեցնելու որոշումը կայացվել էր այս տարի, երկարատե խորհրդատվություններից հետո:

Միեւնույն ժամանակ, այն քաղաքական կուսակցությունները, որոնք 2018 թվականի ընտրությունների առաջին փուլում առնվազն 15 հազար ձայն էին ստացել, ազատվում են 5 հազար ստորագրություն հավաքելու պարտավորությունից:

Այսպիսով, ստորագրահավաքի կարգը չի վերաբերում շուրջ 22 կուսակցությունների, 19 որակավորված եւ լրացուցիչ երեք քաղաքական կուսակցությունների, որոնք մասնակցել են նախկին խորհրդարանական ու տեղական ինքնակառավարման մարմինների ընտրություններին:

Որակավորված ընտրական սուբյեկտը կուսակցություն է, որը վերջին ընտրություններում ստացել է ընտրողների ձայների առնվազն 3 տոկոսը եւ ֆինանսավորվում է պետական բյուջեից:

Չորակավորված ընտրական սուբյեկտը կուսակցություն է, որը պետությունից սուբսիդավորում չի ստանում:

Փոխվում է նաեւ կուսակցությունների ֆինանսավորման կարգը: Մասնավորապես, կուսակցությունը պետական բյուջեից գումար կստանա առաջին 50 000 իրական ձայնի շրջանակներում ստացած յուրաքանչյուր ձայնի համար 15, իսկ յուրաքանչյուր հաջորդ ձայնի համար՝ 5 լարի:

Վերոնշյալ փոփոխություններից բացի, ընտրական օրենսգրքը համապատասխանեցվել է Վրաստանի սահմանադրությանը: Մասնավորապես, ըստ իրականացված փոփոխությունների, 2020 թվականի խորհրդարանական ընտրությունները կանցկացվեն խառը (120 մանդատ՝ համամասնական եւ 30 մանդատ՝ մեծամասնական) ընտրակարգով, մեկ տոկոսի ընտրաշենով եւ, այսպես կոչված, 40 տոկոսանոց փակման մեխանիզմով: Միաժամանակ, չբաշխված մանդատները կբաշխվեն ընտրությունների արդյունքներով ձայների մեծամասնությունը ստացած քաղաքական կուսակցությունների եւ ընտրադաշինքների միջեւ:

ԱՐԵՎԻԿ ԱՆՈՒԿՅԱՆ